

ՑԱՆԿ

ԷԼԵԿՏՐԱԷՆԵՐԳԵՏԻԿԱԿԱՆ ՀԱՄԱԿԱՐԳՈՒՄ ՍԱԿԱԳՆԵՐԻ ՍԱՀՄԱՆՄԱՆ ԿԱՄ ՎԵՐԱՆԱՅՄԱՆ ՀԱՄԱՐ ՀԱՅՏԱՏՈՒԻ ԿՈՂՄԻՑ ՀԱՆՁՆԱԺՈՂՈՎ ՆԵՐԿԱՅԱՑՎՈՂ ԱՆՀՐԱԺԵՇՏ ՓԱՍՏԱԹՂԹԵՐԻ

1. ՎԷԱ կայանների համար՝
 - 1) Սակագների սահմանման կամ վերանայման դիմում՝ համաձայն սույն կարգի №2 հավելվածի,
 - 2) Հայաստանի Հանրապետությունում տպագրվող երկու օրաթերթերում կամ օրաթերթերի ինտերնետային կայքում Սակագների սահմանման կամ վերանայման վերաբերյալ Հայտատուի մտադրության մասին հայտարարություն՝ համաձայն սույն կարգի №3 հավելվածի:
2. ԿԷԱ կայանների, ՊԷԱ կայանների, ՀԷԱ կայանների և Հաշվեկշռման ծառայություն մատուցող Արտադրողի համար՝
 - 1) Սակագների սահմանման կամ վերանայման դիմում՝ համաձայն սույն կարգի №2 հավելվածի,
 - 2) Հայաստանի Հանրապետությունում տպագրվող երկու օրաթերթերում կամ օրաթերթերի ինտերնետային կայքում և առկայության դեպքում նաև Հայտատուի ինտերնետային կայքում Սակագների սահմանման կամ վերանայման վերաբերյալ Հայտատուի մտադրության մասին հայտարարություն՝ համաձայն սույն կարգի №3 հավելվածի,
 - 3) տեղեկատվություն էլեկտրական էներգիայի (հզորության) կանխատեսվող արտադրանքի վերաբերյալ՝
 - ա. հիդրոէլեկտրակայանում (հիդրոէլեկտրակայանների համալիրում)՝ համաձայն սույն կարգի №4 հավելվածի Ձև 4-1-ի,
 - բ. ատոմային էլեկտրակայանում՝ համաձայն սույն կարգի №4 հավելվածի Ձև 4-2-ի,
 - գ. ջերմային էլեկտրակայանում՝ համաձայն սույն կարգի №4 հավելվածի Ձև 4-3-ի,
 - 4) Արտադրողի կողմից առաքվող էլեկտրական էներգիայի սակագնի հաշվարկ՝ ԿԷԱ կայանների, պետություն-մասնավոր գործընկերության պայմանագիր չունեցող ՀԷԱ կայանների և Հաշվեկշռման ծառայություն մատուցող Արտադրողի դեպքում համաձայն սույն կարգի №5 հավելվածի Ձև 5-1-ի, իսկ ՊԷԱ կայանների և

պետություն-մասնավոր գործընկերության պայմանագիր ունեցող ՀԷԱ կայանների դեպքում՝ լիցենզիայի պայմաններում կամ պետություն-մասնավոր գործընկերության շրջանակում կնված պայմանագրի մաս կազմող սակագնային համաձայնագրում ամրագրված մոտեցումներին համապատասխան:

3. Հաղորդողի, Համակարգի օպերատորի և Շուկայի օպերատորի համար՝

- 1) Սակագների սահմանման կամ վերանայման դիմում՝ համաձայն սույն կարգի №2 հավելվածի,
- 2) Հայաստանի Հանրապետությունում տպագրվող երկու օրաթերթերում կամ օրաթերթերի ինտերնետային կայքում և առկայության դեպքում նաև Հայտատուի ինտերնետային կայքում Սակագների սահմանման կամ վերանայման վերաբերյալ Հայտատուի մտադրության մասին հայտարարություն՝ համաձայն սույն կարգի №3 հավելվածի,
- 3) տեղեկատվություն հաղորդվող էլեկտրական էներգիայի կանխատեսման վերաբերյալ (ներկայացվում է միայն Հաղորդողի կողմից)՝ համաձայն սույն կարգի №4 հավելվածի Ձև 4-4-ի,
- 4) էլեկտրաէներգետիկական շուկային ծառայությունների մատուցման սակագների հաշվարկ՝ համաձայն սույն կարգի №5 հավելվածի Ձև 5-2-ի:

4. Բաշխողի և Երաշխավորված մատակարարի համար՝

- 1) Սակագների սահմանման կամ վերանայման դիմում՝ համաձայն սույն կարգի №2 հավելվածի,
- 2) Հայաստանի Հանրապետությունում տպագրվող երկու օրաթերթերում կամ օրաթերթերի ինտերնետային կայքում և առկայության դեպքում նաև Հայտատուի ինտերնետային կայքում Սակագների սահմանման կամ վերանայման վերաբերյալ Հայտատուի մտադրության մասին հայտարարություն՝ համաձայն սույն կարգի №3 հավելվածի,
- 3) տեղեկատվություն Բաշխման ցանց էլեկտրական էներգիայի մուտքի և առաքման կանխատեսման վերաբերյալ՝ համաձայն սույն կարգի №4 հավելվածի Ձև 4-5-ի,
- 4) Բաշխողի կողմից Բաշխման ծառայության մատուցման սակագների հաշվարկ՝ համաձայն սույն կարգի №5 հավելվածի Ձև 5-3-ի,
- 5) Երաշխավորված մատակարարի կողմից սպառողներին վաճառվող էլեկտրական էներգիայի սակագների հաշվարկ՝ համաձայն սույն կարգի №5 հավելվածի Ձև 5-4-ի:

5. Սույն հավելվածի 1-4-րդ կետերով (բացառությամբ 2-րդ ենթակետերի) սահմանված ձևերով Հայտատուի կողմից Հանձնաժողով ներկայացվող փաստաթղթերը պետք է վավերացված լինեն լիազորված անձի ստորագրությամբ և Հայտատուի կնիքով (առկայության դեպքում):
6. Սույն հավելվածի 2-4-րդ կետերի 3-րդ, 4-րդ և 4-րդ կետի 5-րդ ենթակետերով սահմանված ձևերով նախատեսված ցուցանիշները Հայտատուների կողմից կարող են համալրվել նոր տողերով կամ եղած տողերը տրոհվել բաղկացուցիչ մասերի: